



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

D.

urn:nbn:de:hbz:466:1-14298

D.

VRBANVS PAPA VIII.
AD FVTVRAM REI MEMORIAM.

CVM, sicut accepimus, aliquibus Religiosis quorundam ordinum, seu congregationum à sede Apostolica indultum fuerit, ut Sacramentales personarum Sæcularium Confessiones audire valeant, etiam si ab Episcopis Dicecianis ad id examinati & approbati non fuerint; nec desint, qui temere asseverent, hoc ipsum privilegium cæteris quoque aliorum Ordinum Regularibus competere, ex amplissimis privilegiorum Communicationibus, quas ab eadem sede Apostolica obtinuerunt, & hinc saluberrimum Sacri Conc. Trid. decretum desuper sanctum penitus eventatur. Nos huic malo opportune providere volentes, De Venerabilium Fratrum Nostrorum S. R. E. Cardinalium negotiis Regularium Præpositorum Confilio, omnia & singula indulta hujusmodi, audiendi sæcularium Confessiones, absque Ordinarii examine & approbatione, quibusvis Collegiis, Capitulis, Religionibus, Societatisbus, etiam Societati Iesu, Congregationibus & ordinibus, tam mendicantium quam non mendicantium, nec non Monachorum quorundamcunque etiam S. Benedicti, Cisterciensis & Carthusiensis, ac etiam quibusvis militiis, etiam hospitalis S. Ioannis Hierosolymitani, ac quibuscunque Ecclesiis etiam Patriarchalibus & Metropolitanis, Monasteriis, cæterisque locis pii, sive eorum & earum respectivè Abbatibus, Præpositis, Decanis, Magistris, Ministris, Prælatis, Prioribus, Rectoribus, etiam Generalibus vel Provinciaibus, Capellanis, Confessariis, aut aliis quocunque nomine nuncupatis, superioribus & personis quibuscunque, etiam quomodolibet exemptis, ac Sedi Apostolicæ immediate subiectis, cuiuscunque dignitatis, præminentiae & conditionis existentibus, & quovis privilegio munitis, & tam ad Supplicationem partium, quam motu proprio & ex certa Scientia ac de Apostolicæ potestatis plenitudine habetens quandocunque & qualitercumque ex quavis, etiam de necessitate exprimenda causa, & alias quomodolibet concessa, Apostolica authoritate tenore præsentium revocamus, cassamus, tollimus, abrogamus & annullamus, viribusque & effectu evacuamus, ac revocata, cassa, sublata, abrogata & annullata, viribusq; & effectu vacua esse & fore, nec Religioni-

bus, Societatibus, etiam Societati Iesu, con-gregationibus, ordinibus, ac militiis, & Ecclæsiis, monasteriisque prædictis, corumque superioribus & personis quibuscunque imposterum ullo modo suffragari, minusque illos, & illas, etiam si de iis specialis, specifica & expresa, ac de verbo ad verbum mentio habenda fore, indultis hujusmodi uti posse. Præsentes vero litteras, & in eis contenta quæcunque etiam ex eo, quod quicunque in præmissis interesse habentes, seu habere prætentientes, ad hoc vocari, & auditu non fuerint, de subreptionis vel obreptionis vitio, aut intentionis nostræ, velatio quoquaque defectu notari, impugnari, redargui, in jus vel controversiam revocari, ad terminos juris reduci, aut adversus illas, quocunque juris, gratiæ, vel facti remedium impetrari nullatenus posse, sed illas semper validas & efficaces existere & fore, suosque plenarios & integros effectus fortiri & obtinere. Sicque per quoscumque Iudices ordinarios & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos & Nuntios, sublata eis & eorum cuilibet quavis aliter judicandi & interpretandi facultate & autoritate judicari & definiri debere, ac irritum & inane quicquid fecus super his à quocquam quavis auctoritate scienter vel ignoranter contigerit attentari, decernimus, & declaramus. Non obstantibus præmissis, ac quibusvis constitutionibus & ordinationibus Apostolicis, privilegiis, quoque indultis, & litteris Apostolicis, Ordinibus, Societatisbus & congregationibus prædictis, eorumque Præpositis, Decanis, Magistris, Abbatibus, Ministris, Prælatis, Prioribus, Rectoribus & aliis Superioribus, Capellanis aliisque prædictis, sub quibuscunque tenoribus & formis, ac cum quibusvis etiam derogatoriarum derogatoriis, aliisque efficacioribus & infotitis clausulis, ac irritantibus, & aliis Decretis, in genere, vel in specie, & alias in contrarium quomodolibet concessis, confirmatis & innovatis. Quibus omnibus & singulis, etiam pro illorum sufficienti derogatione, de illis, eorumque totis tenoribus, specialis, specifica, expressa & individua, ac de verbo ad verbum, non autem per clauulas generales idem importantes, mentio, seu quævis alia expressio habenda,

habenda , aut aliqua alia exquisita forma ad hoc servanda foret , tenores hujusmodi præsentibus pro plenè & sufficenter expressis , & ad verbum infertis , habentes , illis alias in suo labore permanensuris , hac vice dumtaxat specialiter , & expressè derogamus , ceterisque contrariis quibuscumque: volumus autem quod præsentium transtumptis , etiam impreffis , manu alicujus Notarii Publici subscriptis , & sigillo personæ in dignitate Ecclesiastica constitutæ munitis , eadem prorsus ubique fides adhibetur , quæ ipsi præsentibus adhiberetur , si forent exhibitæ vel ostendæ : Quodque eadem præsentes litteræ , seu illarum exempla ad valvas Basilicarum S. Ioannis Lateranensis ac Principis Apostolorum de Vrbe & in Acie Campi Floræ affixa omnes ita arctent & afficiant , ac si unicuique personaliter intimata fuissent . Dat. Romæ apud S. Mariam Majorem sub Annulo Piscatoris die xii Septembris MDCXXVIII. Pontificatus Nostri anno sexto.

M. A. Maraldus.

E.

Sacra Congregatio S. R. E. Cardinalium negotiis , & consultationibus Episcoporum & Regularenum præposita censuit , per Confirmationes privilegiorum , quas Regulares à Sede Apostolica post Sacrum Concilium Tridentinum obtinuerunt , nequaquam revixisse Privilegia prius ab eodem

Concilio , ac deinde etiam ipsius congregationis Decretis sublata , atque extincta , si quæ habebant , absolvendi à casibus Ordinario loci reservatis ; Quemadmodum nec inducta absolvendi à casibus contentis in bulla , quæ in Die Cœnæ Domini legi consuevit , utpote sublata per annum ipsius Bullæ publicationem , vires aut robur acquisivisse ex subsequentibus Privilegiorum confirmationibus : Ac proinde Regulares , cuiusvis ordinis , congregationis , societatis & instituti , etiam necessario exprimendi , nec intra nec extra Italiam in vim Privilegiorum , aut confirmationum ejusmodi , quas vel haçtenus obtinuerunt , vel deinceps forte obtinebunt , posse quenquam absolvere ab eisdem casibus in Bulla Cœnæ aut Ordinario loci reservatis . Ac si fecerint egerint , absolutiones nullas , atque irritas fuisse , ac fore . Ab aliis vero casibus & Censuris Sedi Apostolicae reservatis , si quidam Regulares habeant à Sede Apostolica absolvendi facultatem , illam extra Italiam minimè sublatam fuisse iisdem Sacrae Congregationis Decretis , hac de re editis iussu San: mem: Clementis VIII.

Quam Sacrae Congregationis sententiam Sanctitas Sua ad se relatam approbavit , mandavitque ab omnibus , ad quos pertinet , inviolabiliter observari . Romæ 17 Novembris , 1628.

F. A. Card. S. Honorii.

Loco + Sigilli.

F. Fagnani Secr.

F.

DE EXEMPTORVM PRIVILEGIIS

Circa animarum curam & Sacramentorum administrationem , Sanctimonialium Monasteria , & prædicationem verbi DEI.

TV scias nonnulla dubia super ista Constitutione exorta fuisse , super quibus emanatae sunt declarationes Sacrae Congregationis Cardinalium Concilii Tridentini Inter-

pretum , ab istomet Gregorio , & S. D. N. Vrbano VIII ejus Successore , respectivè approbatæ , quæ hic sub sequentur .